

JAMHURI YA MUUNGANO WA TANZANIA

BUNGE LA TANZANIA



03 FEBRUARI, 2017



# ORODHA YA SHUGHULI ZA LEO

## MKUTANO WA SITA

**KIKAO CHA NNE – TAREHE 03 FEBRUARI, 2017**

**I. DUA:**

**II. HATI ZA KUWASILISHA MEZANI:**

**MWENYEKITI WA KAMATI YA BUNGE YA KATIBA NA SHERIA:**

Taarifa ya Mwaka ya Shughuli za Kamati ya Kudumu ya Bunge ya Katiba na Sheria kwa Kipindi cha kuanzia Januari, 2016 hadi Januari, 2017.



**MWENYEKITI WA KAMATI YA BUNGE YA UTAWALA NA SERIKALI ZA MITAA:**

Taarifa ya Mwaka ya Shughuli za Kamati ya Kudumu ya Bunge ya Utawala na Serikali za Mitaa kwa Kipindi cha kuanzia Januari, 2016 hadi Januari, 2017.

### **III. MASWALI:**

#### **OFISI YA RAIS (TAMISEMI):**

##### **42. MHESHIMIWA BERNADETHA KASABAGO MUSHASHU (VITI MAALUM):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Walimu wamekuwa wakiidai Serikali stahiki zao mbalimbali na tatizo hili la kutowalipa kwa muda muafaka limekuwa likijirudiarudia:-

- (a) Je, Walimu wanadai stahiki zipi na kwa kiasi gani;
- (b) Je, Serikali imejipangaje kutatua tatizo hilo na kulimaliza kabisa.

##### **43. MHESHIMIWA VEDASTUS MATHAYO MANYINYI (MUSOMA MJINI):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Baada ya Serikali kutoa tamko la Elimu Bure Wananchi wamekuwa wagumu sana kutoa michango mbalimbali ya kuboresha elimu:-

Je, Serikali ina mikakati gani ya kumaliza tatizo la upungufu wa vyumba vyataga madarasa na vyumba vyataga maabara katika shule za Msingi na Sekondari.

## **OFISI YA RAIS (UTUMISHI NA UTAWALA BORA):**

### **44. MHESHIMIWA MARIA NDILLA KANGOYE (VITI MAALUM):**

Atamuuliza Mheshimiwa Waziri wa Nchi, Ofisi ya Rais (Utumishi na Utawala Bora):- Kumekuwepo uhaba wa Watumishi katika Halmashauri nyingi nchini ambao unaleta athari katika utekelezaji wa shughuli za Halmashauri kwa kutotoa huduma katika kiwango kinachohitajika:-

Je, Serikali ina mkakati gani wa kuajiri Wataalam hasa Vijana waliomaliza vyuo ambao wanazurura mitaani kwa ukosefu wa ajira.

### **45. MHESHIMIWA JAPHET NGAILONGA HASUNGA (VWAWA):**

Atamuuliza Mheshimiwa Waziri wa Nchi, Ofisi ya Rais (Utumishi na Utawala Bora):- Kwa kuwa Watumishi na Viongozi wengi wamekuwa wanaingia kwenye madaraka mbalimbali ya nchi bila kupewa mafunzo ya kuwaandaa kama ilivyo katika nchi nyingi duniani na kama ilivyo kwenye Vyombo vya Majeshi yetu:-

Je, Serikali ina mpango gani wa kuhakikisha kuwa viongozi wote wanapewa mafunzo ya awali kabla ya uteuzi na madaraka yoyote katika utumishi wa Umma.

## **WIZARA YA AFYA, MAENDELEO YA JAMII, JINSIA, WAZEE NA WATOTO:**

### **46. MHESHIMIWA USSI SALUM PONDEZA (CHUMBUNI):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Mgonjwa anapotoka Zanzibar na kupelekwa kwa matibabu nje ya nchi analazimika kupata rufaa kutoka Hospitali ya Taifa ya Muhimbili licha ya kuwepo kwa Hospitali ya Rufaa ya Mnazi Mmoja Zanzibar ambayo ina madaktari wenyewe uwezo kama wale wa Hospitali ya Taifa ya Muhimbili:-

- (a) Je, kwa nini Hospitali ya Rufaa ya Mnazi Mmoja haipewi uwezo wa kutoa rufaa ya matibabu nje ya nchi;
- (b) Je, kuinyima uwezo huo Hospitali ya Mnazi Mmoja ni kutoiamini hospitali hiyo.

### **47. MHESHIMIWA ROSE CYPRIAN TWEVE (VITI MAALUM):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Ni azma ya Serikali ya CCM kumuinua Mwanamke kiuchumi na azma hiyo ilipelekea Serikali kuanzisha Benki ya Wanawake:-

Je, Serikali haioni kuwa sasa ni wakati muafaka kufungua madirisha ya Benki hiyo Mikoani hasa Mkoa wa Iringa ambapo kuna *Community Bank* (MUCOB) iliyopo Wilayani Mufindi.

### **WIZARA YA FEDHA NA MIPANGO:**

#### **48. MHESHIMIWA ISSA ALI MANGUNGU (MBAGALA):**

Atamuuliza Mheshimiwa Waziri wa Fedha na Mipango:- Riba kubwa katika benki zetu nchini imekuwa kikwazo kikubwa kwa Wanawake na Vijana kupata mikopo:-

- (a) Je, Serikali ipo tayari kuandaa utaratibu maalum wa riba elekezi itakayowawezesha Wanawake na Vijana kupata mikopo benki kwa riba nafuu ili waweze kujikwamua kiuchumi;
- (b) Je, Serikali itakuwa tayari kuziagiza benki za biashara kulegeza masharti ya dhamana kwa Vijana na Wanawake ambayo yanarefusha mchakato wa upatikanaji wa mikopo.

## **WIZARA YA ELIMU, SAYANSI, TEKNOLOJIA NA MAFUNZO YA UFUNDI:**

### **49. MHESHIMIWA HALIMA ALI MOHAMED (VITI MAALUM):**

Atamuuliza Mheshimiwa Waziri wa Elimu, Sayansi, Teknolojia na Mafunzo ya Ufundi:- Wasichana wanaohitimu kidato cha sita wanakuwa na ufaulu mzuri lakini wanapojiunga na Vyuo vya Elimu ya Juu ufaulu wao huanza kushuka hadi wengine hufikia kusimamishwa masomo kwa sababu ya ufaulu hafifu:-

Je, Serikali ina mpango gani wa kuboresha mazingira ya kujifunzia kwa Wasichana katika elimu yao ya juu ili ufaulu wao uweze kuongezeka na kufikia malengo yao.

## **WIZARA YA VIWANDA, BIASHARA NA UWEKEZAJI:**

### **50. MHESHIMIWA SAED AHMED KUBENE A (UBUNGO):**

Atamuuliza Mheshimiwa Waziri wa Viwanda, Biashara na Uwekezaji:- Kituo cha Biashara cha Taifa – Tanzania “Trade Center” kilichopo London Uingereza kimeripotiwa kuwa kinakabiliwa na uhaba wa fedha za kukiendesha na kulipa Watumishi wake kutokana na kukosa fedha kutoka

Hazina jambo lililosababisha kuzorota kwa kazi za kituo hicho na kukabiliwa na mzigo mzito wa madeni:-

- (a) Je, Serikali inaweza kueleza hali ya kituo hicho kwa sasa ikoje;
- (b) Je, Serikali ina mkakati gani wa kuhakikisha hali ya kifedha na kiutendaji ya kituo hicho ambacho kimesaidia sana kutangaza Tanzania nje ya nchi inakuwa imara na kufanya kazi zake kwa ufanisi;
- (c) Je, ni kiasi gani cha fedha kinachodaiwa na kituo hicho na watu mbalimbali nchini Uingereza na hapa nchini.

#### **51. MHESHIMIWA ENG. ATASHASTA JUSTUS NDITIYE (MUHAMBWE):**

Atamuuliza Mheshimiwa Waziri wa Viwanda, Biashara na Uwekezaji:- Nchi yetu bado ina upungufu mkubwa sana wa sukari na kwa kuwa Wilayani Kibondo kuna ardhi oevu kwenye bonde la Mto Malagarasi na Lupungu ipatayo ekari 52,000 na Wananchi wako tayari kutoa ushirikiano kwa matumizi ya ardhi hiyo:-

Je, Serikali haioni umuhimu wa kutafuta mwekezaji na kiwanda cha sukari katika eneo hilo.

## **WIZARA YA UJENZI, UCHUKUZI NA MAWASILIANO:**

### **52. MHESHIMIWA JOSEPH MICHAEL MKUNDI (UKEREWE):**

Atamuuliza Mheshimiwa Waziri wa Ujenzi, Uchukuzi na Mawasiliano:- Ni zaidi ya miaka mitano (5) sasa tangu Meli ya MV Butiama isitishe huduma zake katika Ziwa Victoria kati ya Mwanza na Nansio (Ukerewe) hali inayosababisha shida na usumbufu mkubwa wa usafiri kwa wakazi wa Ukerewe:-

- (a) Je, ni lini Meli hiyo ya MV Butiama itatengenezwa na kuendelea kutoa huduma kati ya Mwanza na Nansio;
- (b) Je, Serikali ina mpango gani wa kuleta Meli mpya hasa ikizingatiwa kuwa meli ya MV Clarius imechakaa sana.

## **WIZARA YA ARDHI, NYUMBA NA MAENDELEO YA MAKAZI:**

### **53. MHESHIMIWA MARIAM NASSOR KISANGI (VITI MAALUM):**

Atamuuliza Mheshimiwa Waziri wa Ardhi, Nyumba na Maendeleo ya Makazi:-

Je, Serikali ina mpango gani wa kuwasaidia Walimu kupata mikopo ya muda mrefu na yenye riba nafuu ili waweze kujenga nyumba bora za kuishi.

#### **54. MHESHIMIWA JOHN JOHN MNYIKA (KIBAMBA):**

Atamuuliza Mheshimiwa Waziri wa Ardhi, Nyumba na Maendeleo ya Makazi:- Wananchi wa Mloganzila waliopisha ujenzi wa MUHAS hawakulipwa fidia ya ardhi au walau ‘mkono wa kwa heri’ na wapo wenye madai ya ‘kupunjwa’ fidia ya maendelezo:-

- (a) Je, ni lini Wananchi hao watapewa malipo yao kama Serikali ilivyoahidi;
- (b) Je, ni kwa namna gani Serikali imeshughulikia madai ya mapunjo ya fidia ya maendelezo.

#### **WIZARA YA MAMBO YA NDANI YA NCHI:**

#### **55. MHESHIMIWA ESTHER LUKAGO MIDIMU (VITI MAALUM):**

Atamuuliza Mheshimiwa Waziri wa Mambo ya Ndani ya Nchi:- Wilaya ya Maswa ni moja ya Wilaya kongwe hapa nchini, lakini haina kituo cha Polisi cha Wilaya:-

Je, Serikali ina mpango gani wa kujenga Kituo cha Polisi cha Wilaya.

#### **IV. HOJA ZA KAMATI:**

##### **MWENYEKITI WA KAMATI YA BUNGE YA KATIBA NA SHERIA:**

Kwamba, Bunge sasa lipokee na kuikubali Taarifa ya Kamati ya Kudumu ya Bunge ya Katiba na Sheria pamoja na maoni na mapendelekezo yaliyomo kwenye Taarifa hiyo.

##### **MWENYEKITI WA KAMATI YA BUNGE YA UTAWALA NA SERIKALI ZA MITAA:**

Kwamba, Bunge sasa lipokee na kuikubali Taarifa ya Kamati ya Kudumu ya Bunge ya Utawala na Serikali za Mitaa pamoja na maoni na mapendelekezo yaliyomo kwenye Taarifa hiyo.

**DODOMA  
03 FEBRUARI, 2017**

**DKT. T. D. KASHILILAH  
KATIBU WA BUNGE**